

REFERAT SAA- Sanarfinermut Avatangiisinullu Ataatsimiititaq d. 01-12-2022

Mødedato Torsdag d. 01. december 2022 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Illoqarfimmik inissianillu inerisaanermi 2023-mi suliassat pilersaarutaasut.....	6
Paamiuni aputaajaasarneq.....	10
Uunga siunnersuut Qeqertarsuatsiaani kommunimut pilersaarummut tapiliussassaq 19B1 aamma 19C.....	13
Pilersaarusiornissamut qinnuteqaat Camp Kiattua, Amitsuarsuk, Nuuk.....	17
Piniarnermut Aalisarnermullu Siunnersuisooqatigiit suleriaasissaatut, taaguutissaatullu siunnersuut.....	21
Nuummi akunnittarfiit inissisimaffii.....	24
Lukket.....	27
Lukket.....	28
Lukket.....	29
Lukket.....	30
Taasariaqartut allat.....	31
Imaqarniliap akuerineqarnera.....	32

Punkt .: Saqqaa

Ilaasortat:

Finn Karlsen (N), *siulittaasog*
Uju Petersen (IA)
Lone Rosengreen Pedersen (IA)
Naya Sophia Pedersen Lyberth (IA)
Justus Hansen (D)
Peter Davidsen (S)
Dines Mikaelson (S)

Beslutning

Ataatsimeeqataasut:

Finn Karlsen (N), *siulittaasog*
Uju Petersen (IA)
Lone Rosengreen Pedersen (IA)
Naya Sophia Pedersen Lyberth (IA)
Justus Hansen (D)
Peter Davidsen (S)
Dines Mikaelson (S)

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Siulittaasup ilisimatitsissutigai Tasiilami Paamiunilu aalisarneq pillugu isumasioqatigiinnerit.

Ataatsimiitami siulittaasup Finn Karlsen aamma ataatsimiitami ilaasortaq Peter Davidsen Tasiilami isumasioqatigiinnermut kommunimi Piniarnermut Aalisarnermullu Siunnersuisooqatigiinnit aamma Sanarfinermut Avatangiisinullu Ataatsimiititamit sinniisutut peqataapput

Politikeri allani ataatsimiinnissatik pequtigalugit Paamiuni peqataanngillat, tassani allaffeqarfik kommune sinnerlugu peqataavoq.

Isumasioqatigiinneq kommunimit pilersaarusiorneqarpoq Namminersorlutik Oqartussanit aningaasaliiffigineqarluni.

Isumasioqatigiinnermi inernerit atorluarneqassasut kissaatigineqarpoq.

Punkt 1: Illoqarfimmik inissianillu inerisaanermi 2023-mi suliassat pilersaarutaasut

Beslutning

Ilisimatitsissut tusaatissatut tiguneqarpoq.

Illoqarfimmik inissianillu inerisaanermi 2023-mi suliassat pilersaarutaasut

Kommunimut pilersaarummut tapiliussat, periusissiat pilersaarutillu

Ilisimatitsissut

SagsID.: EMN-2022-09091

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat ilisimatitsissutigivaa:

- ilisimatitsissut tusaatissatut tiguneqassasoq

Suliassamik saqqummiussineq

Ingerlatsiviup matumuuna ilisimatitsissutigissavaa, kommunimut pilersaarummut tapiliussat, periusissiat pilersaarutillu sorliit ukiumi matumani aallartinneqarlutik pilersaarutigineqarnersut.

4A9-1 Uppittalik, Nuuk

Ingerlatsiviup kommunalbestyrelsip Nuummi inissianik pilersuinerup qulakkeerneqarnissaa pillugu anguniagaa ukiup siuliani suliaralugu aallartippaa. Taamaattumik Qingutsinni, Nuuk, immikkoortoq Uppittalik immikkuualuttunngorlugu pilersaarusiorneqassaaq, sanaartorfissagissaarnissaa tamatumalu kingornatigut inissialiortoqarnissaa periarfissikkumallugu. Immikkoortumi annerusumik inissianik blokkinik sanaartortoqarnissaa pilersaarutigineqarpoq, aallaavittut namminersortut pisortallu sanaartornissaannut atugassanngortinneqartussa. 2023 qiteqquppat aallartissaaq.

1A3-3 Saqqarliit/Noorlernut, Nuuk

Ingerlatsiviup illoqarfimmi inissiaqarfiit ineriartuinnarnissaanik ingerlaavartumik qulakkeerininnermik sulineranut atatillugu immikkoortuni Saqqarlerni Noorlerni tunngaviumik pilersaarummik misissueqqissaarneq aallartinneqassaaq. Pilersaarut 2023-p aallartinnerani aallartinneqassaaq.

4A8-2 Ningitsivik, Nuuk

Immikkoortup ilaa sanaartorfissagissaarneqaleruttorpoq tassungalugu atatillugu ingerlatsiviup inissianik amerlilliinissamat periarfissiinissaaq kissaatigaa. Sanaartorfissagissaanerup ersarissivoq nunap sivinganera unammillernartorujussuusoq, tamannalu tunngaviumik pilersaarummi kukkuneruinerumi ilanngunneqassaaq. Pilersaarut 2023-p aallartinnerani aallartinneqassaaq.

Nunaannarmut pilersaarut 2-3

Kommunalbestyrelsip aalajangerpaa, nunaannarmut pilersaarutip 2-2-p akuersissutigineqarneratigut 2023-mi misissorneqaaqqissasoq. Tassunga atatillugu ingerlatsivimmit pilersaarutigineqarpoq, illuaqqat angissusissaata akuerineqartup allinissaata kingunerisinnaasai. Pilersaarut 2023-p aallartinnerani/qiteqqunnerani aallartinneqassaaq.

2B1-2 Industrivej

Kommunimut pilersaarummut tapiliussakkut qulakkeerneqassaaq, sumiiffiup ullutsinnut naapertuuttumik inerisarneqarnissaa inuussutissarsiornikkullu inerisaanissamat pitsaanerumik periarfissaqarnissaaq. Kommunimut pilersaarummut tapiliussaq kommunimut pilersaarummut tapiliussamat atuutereersumut nutarterineruvoq.

Pilersaarut 2023-p aallartinnerani aallartinneqassaaq.

Qulaani pineqartut pillugit kommunimut pilersaarummut tapiliussassami pilersaarusiornermut immikkoortoqarfimmit Suliassat/pilersaarutit tulluuttut uku aaqqiivigineqassapput:

Nuutoqqami peqataatitsineq

Nuutoqqami pilersaarusiornissamik qinnuteqaatip malitsigisaanik Kommunalbestyrelse ullormi 30. aggusti 2022-mi aalajangerpoq, immikkoortumut tamakkiisumik pilersaarusiornissamut saqqummiisoqarnissaanut innuttaasunik peqataatitsineq aallartinneqassasoq. 2023-p aallartinnerani aallartissaaq.

Illuliortaatsimut piujuartitsinermullu politikki

Pilersaarusiornermut periuseq P18-imi, piujuartitsineq tunngavigalugu sanaartornissamut periusissaq/pilersaarut, anguniakkanut ilaavoq. Suliaq taanna kommunip Illuliortaatsimut politikkiata misissorneqarnissaanik aamma kinguneqarsimavoq, taannalu sakkussanik tigussaanagerusunik imaqarpoq, siunertarineqartut piinnarnagit. 2021-mi aallartinneqarpoq.

Paamiut pillugit pilersaarut tamakkiisoq

Paamiunut tamakkiisumik pilersaarut atuuttoq 2023-p tungaanoorpoq, tassanilu pilersaarutip nutaap aallartinneqarnissaa sulissutigineqassaaq. Pilersaarummi innuttaasunik allanillu siammasissumik peqataatitsineq qitiutinneqassaaq. 2022-ip aallartinnerani aallartisarneqarpoq.

Nuummi inissat sinneruttut

Ingerlatsiviup Nuummi inuussutissarsiorfiusinnaasunik inissialiorfiusinnaasuillu atuarfittut, suliffeqarfittut utoqqaallu illuitut atorsinnaasut inissat sinneruttunik misissuineq aallartissavaa. 2023 qiteqquppat aallartissaaq.

Angallanneq pillugu pilersaarut

2023-mi angallannermik kisitsisoqaaqqissaaq ingerlatsiviup ukiuni arlalinni Nuummi angallannermi unammillernartunut sulinerannut periarfissiisussamik. 2023-p aallartinnerani/qiteqqunnerani aallartissaaq.

Kommunimut pilersaarut Sermersooq 2036

Pilersaarusiornermut periusissiaq 2023-p malitsigisaanik ingerlatsivik kommunimut pilersaarut 2036-p kukkunersiorneranik aallartissaaq. 2022-p naanerani aallartissaaq.

Ingerlatsivimmit aningaasatigut sulisoqarnikkullu naliliinerit

Pilersaarutiniq suliaqarneq inuit +4-t ukiumut naammassisinnaasaannik tigusissaaq aamma suliamut atatillugu avataaniit siunnersorneqarnissaaq. Tamanna ingerlatsiviup missingersuutaanut ilanngunneqareerpoq.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaaq allakkallu tunngaviusumik uppernarsaatillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersooq aamma
- Inatsisartut inatsisissaat nr. 34, 9. december 2015-meersooq
- Kommunimut pilersaarut digitaliusooq www.kp.sermersooq.gl

Ilanngussat
Soqanngilaq.

Punkt 2: Paamiuni aputaajaasarneq

Beslutning

Ilisimatitsissut tusaatissatut tiguneqarpoq.

Bilag

Isumaqatigiissummut tapiliussaq

Paamiuni aputaajaasarneq

Ilisimatitsissut

SagsID: EMN-2022-07313

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Piffissami 2012-2017 Paamiuni aputaajaasarneq neqeroorteqartitsissutigineqarpoq. Paamiuni aputaajaasarneq tamakkiisumik piffik ataasiuvoq. Isumaqaatigiissut ukiut tullerisaani ilanngussartalimmik sivitsorneqartarsimavoq, ukiut tamaasa akinik malinnaatitsisoqartarnera aallaavigalugu.

Ingerlatsivik suliassamut suliariumannittussarsiorpoq, ullulerlugu 27. septembari 2022-mut, ukiuni tallimani atuuttussamik. Suliariumannittussarsiuussineq pisortat oqartussaaffigisaanni suliffeqarfiinilu nioqqutissanik kiffartuussinernilu pisiniarnermut tunngatillugu neqeroortitsisarneq pillugu Inatsisartut inatsisaat nr. 6, 12. Juni 2019-meersoq § 13 malillugu ingerlanneqarpoq. Ingerlatsivik suliassamut neqeroorummik tigusaqanngilaq.

Kommunip entreprenøreqarnermut immikkoortortaa suliassap suliarinissaanut maskinanik atorussaateqanngilaq sulisussaqaaranilu, taamaattumik suliassaq ukioq ataatsimik sivitsorneqarpoq, § 16 imm 2-mi, 2,4 aamma 5 malillugu, siusinnerusukkut pilersuisutut atorsimasamiit pilersuinerit ilassuteqarneri, nutaamik neqeroortitsisinnanissamik periarfissaqannginneq kiisalu pisiariniakkap nalinga 1 mio. kr-nit annikinneruppat, Inatsisartut inatsisaat nr. 6, 12. juni 2019-meersoq, pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqeroortitsisarneq malillugu. Suliassaq inatsisit malillugit kommuunip pisussaaffigaa, sanaartorfigissaaneq, pisortat kuuffeqarfinnut aqqusersuutaat aamma pisortat aqqusiniutaat pillugu, Inatsisartut inatsisaat nr. 16, 17. november 2010-meersoq tunngavigalugu.

Ingerlatsiviup suliassamut neqeroorteqartitseqqinnissaq piffissami 2023-2028 naatsorsuutigaa. Ingerlatsivik suliariumannittussarsiuusseqqinnermi neqeroorutininik tigusaqassaguni, politikikkikut akuerisassatut saqqummiusseqqaassaaq, nutaamik isumaqaatigiissusiortoqartinnagu.

Ingerlatsivimmit aningaasatigut sulisoqarnikkullu naliliinerit

Piffissamut 1. novembari 2022 - 30. aprili 2023-mut 987.184 koruunit aningaasartuutaassapput. Aningaasartuutit siunertamut kontumit 09.03.01, aputaajaanermi akilerneqassapput. Isumaqaatigiissummut missingersuuteqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Ukiuunerani aqqusinernik aserfallatsaaliinermut maleruaqqusaq 1992-meersoq

- Pisortat oqartussaaffigisaanni suliffeqarfiinilu nioqqutissanik kiffartuussinernillu pisinermut tunngatillugu neqerooruteqartitsisarneq pillugu inatsisartut inatsisaat nr. 6, 12. juuni 2019-imeersoq
- Sanaartorfigissaaneq, pisortat kuuffeqarfinnut aqquersuutaat aamma pisortat aqquiniutaat pillugu Inatsisartut inatsisaat nr. 16, 17. november 2010-meersoq

Ilanngussat

1. Isumaqatigiisummut tapiliusseq
2. KS_Aputaajagassanut takussutissiaq

Punkt 3: Uunga siunnersuut Qeqertarsuatsiaani kommunimut pilersaarummut tapiliussassaq 19B1 aamma 19B2 Inuussutissarsiorfik umiarsualiveqarfittullu immikkoortortat

Beslutning

Justus Hansen (Demokraatit) 14:23 ataatsimiinnermut apuuppoq.

Inassuteqaat akuersissutigineqarpoq.

Bilag

Kommunimut pilersaarummut tapiliussassatut siunnersuut 19B1-1 aamma 19B2-1 Qeqertarsuatsiaani Inuussutissarsiorfik umiarsualiveqarfittullu immikkoortortat

Suliassamik saqqummiussineq nunaminertamik 22.02.2022 qinnuteqarneq pillugu



Uunga siunnersuut Qeqertarsuatsiaani kommunimut pilersaarummut tapiliussassaq 19B1 aamma 19B2 Inuussutissarsiorfik umiarsualiveqarfittullu immikkoortortat

Kommunimut pilersaarummut tapiliussassatut siunnersuut

Aalajangiiffigisassaq

SagsID.: EMN-2022-05114

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut Qeqertarsuatsiaani 19B1 aamma 19B2 Inuussutissarsiorfik umiarsualiveqarfittullu immikkoortortat akuerineqassasoq
- suliap tamanut tusarniaassutigineqarnissaa siunertaralugu Aningaasaqarnermut Inuussutissarsionermullu Ataatsimiititami aalajangiiffigisassatut kiisalu Kommunalbestyrelsimit ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna kommunimut pilersaarummut tapiliussassatut siunnersuut 19B1 aamma 19B2 Qeqertarsuatsiaani Inuussutissarsiateqarfik umiarsualiveqarfittullu immikkoortortat saqqummiuppa.

Matumani kommunimut pilersaarummut tapiliussassatut siunnersuut Kommunalbestyrelsi §32 tunngavigalugu nunaminertamik qinnuteqaatip itigartitsisoqarnissaanik aalajangiinera tunngavigalugu, takuuk ilanngussaq 2.

Siusinnerusukkut suliaq aamma §32, 22.02.2022 tunngavigalugu unitsitsineq

Nunaminertaq aalisakkerivimmumut qinnutigineqartoq itigartinneqartorlu immikkoortup ilaani 19B-1-imi inissimasoq pineqarpoq, tassani soqutigisaqartoq sanaartornissaminik kissaateqarsimavoq. Kommunimut pilersaarummi Qeqertarsuatsiaanumut sukumiisumik aalajangersaasoqarsimanngimmat, ingerlatsiviup qinnuteqaat Nunaqarfimmi aqutsisunut tamanullu tusarniaassutigineqartussanngorlugu ingerlateqqippaa. Piffissami tusarniaaviumi tusarniaanermut akissutit marluk tiguneqarput, taakku aappaat Nunaqarfimmi Aqutsisunersuuvuq, aalisakkerivimmik kissaateqanngitsunit. B-157-ip eriagisariaqartut inissisimatinneqarnera pillugu suliaq ingerlanneqarpoq, taannalu Nunaqarfimmi Aqutsisunit paaseqqaarusunneqarpoq. B-157 nunaminertap qinnuteqarfigineqartup saninnguani inissisimavoq. Tusarniaanermi akissuteqaatigineqartup aappaanit oqaatigineqarpoq sumiiffimmi aalisartut aalisakkerivik tapersersunnngikkaat.

Ulloq 22. februaari 2022 kommunalbestyrelsimit immikkoortup ilaa pillugu §32 malillugu unitsitsisoqarpoq (*Inatsisartut inatsisaat nr. 17, 17. novembari 2010-meersoq naapertorlugu*). Tassa imaappoq, kommunimut pilersaarummut tapiliussap nutaap sularineqarnerata nalaani nunaminertat illuliornermillu sularinninneq ukiup ataatsip missaani unitsinneqassasoq. Inerteqquteqarnerup qulakkiissavaa pilersaarummi nutaami anguniarneqartunut akerliusunik pilersitsisoqannginnissaa.

Innuttaasunik ataatsimiititsineq 22.06.22

Kommunimut pilersaarummut tapiliussassatut siunnersuut matuma sularineranut atatillugu Qeqertarsuatsiaani innuttaasunik ataatsimiititsisoqarpoq ulloq 22.06.22, tassani innuttaasut 20-t missaanniittut peqataapput.

Ataatsimiinnermi erseqqissarneqarpoq innuttaasut Qeqertarsuatsiaani aalisakkeriveqalernissaa kissaatigigaat, kisianni sumiiffimmut atassuteqartinneqarpat aatsaat. Peqatigitillugu Qeqertarsuatsiaani innuttaasunit B-157-ip eriagisassatut inissisimaannarnissaa kissaatigineqarpoq. Ataatsimiinnermi innuttaasut arlallit immikkoortup ilaata 19B1-ip ilaatigut nunniorlugu malinnut akimmiffissatut, puttasunut kiisalu talittarfiup tallissutissaanut atorneqarnissaa kissaatigineqarpoq. Suliniutissat arlallit matumani kommunimut pilersaarummut tapiliussami nunaminertatigut periarfissaqarput.

Kommunimut pilersaarummut tapiliussaq

Inuussutissarsiteqarfiusinnaasut allilerneqarneri Qeqertarsuatsiaani periarfissat annertusarneqassasut ingerlatsivik naliliivoq. Ingerlatsiviup taamaalilluni Qeqertarsuatsiaani inuussutissarsiteqarfiit taakku marluk ataatsimoortillugit pilersaarusiortigineqarnissaat toqqarpaa.

Taamaalilluni kommunimut pilersaarummut tapiliussassatut siunnersuummi 19B1 Qeqertarsuatsiaat kitaani Inuussutissarsiorfittut umiarsualiveqarfimmullu kiisalu 19B2 Qeqertarsuatsiaat avannaani Inuussutissarsiorfittut umiarsualiveqarfimmullu tunngavoq. Kitaatungaani immikkoortup ilaa 19B1, ilaneqassaaq katillugu 3,2 ha missaannik annertussuseqalissaaq aamma immikkoortup ilaa avannarleq, 19B2 ilaneqassaaq katillugu 0,6 ha missaannik annertussuseqalissaaq.

Kommunimut pilersaarummut tapiliussami siunertarineqarpoq immikkoortut inuussutissarsiornermut - aamma umiarsualiveqarnermut atuuffiisa aalajangiusimaneqarnissaat aamma taakkua piffissamut naleqquttumik ineriartortinneqarnerannik qulakkeerinninneq. Siunnersuummi immikkoortup ilaata 19B2-p annertusitinneratigut immikkoortup ilaani inuussutissarsiornermut atuuffiit ataatsimoortinneqarlutik annertunerulersinneqarnissaat periarfissaalissaaq. Taamaalillunilu immikkoortup ilaani tassani ataasiinnarmik aalisakkeriviliortoqarsinnaavoq.

Immikkoortup ilaanut 19B1 siunertat aamma tunngavittut periutsit:

- Immikkoortup ilaa annertusineqassaaq nunaminertaq katillugu 3,2 ha..missaannik annertussuseqalersillugu
- Nutaamik nunniukkat / malinnut assiaqutinik marlunnik nutaanik pilersitsinissamut nunaminertaliisoqassaaq
- Angallatinut inssiisarfinnut puttasunik nutaanik pilersitsinissamut nunaminertaliisoqassaaq
- Umiarsualiviup allinissaanut nunaminertaliisoqassaaq

Immikkoortup ilaanut 19B2-mut pilersaarummut siunertat aamma tunngaviit:

- Immikkoortup ilaa kimmut annertusineqassaaq nunaminertaq katillugu 0,6 ha..missaannik annertussuseqalersillugu
- Umiarsualiviup allineqarnissaanut nunaminertaliisoqassaaq
- Inuussutissarsiteqarfinnik sanaartorfissamik atugassiisoqassaaq

Sillimaffigisassaq

Ullumikkut immikkoortup ilai 19B2-mi aalisakkeriveqarpoq. Ingerlatsiviup erseqqissaatigaa, oqartussaaffeqarfinnit assigiinngitsunit qerititsivinni nillartaatsivinnilu amoniakimik akulinnik peqarnera nutaanik eqqumaffigineqalersoq. Eqqumaffigisassat tamakkua suliasaqarfimmi sanaartornermi suliamik ingerlatsinermi eqqumaffigisassanut ilaatinneqartariaqarput. Tusarniaanermut piffissarititaasumi oqartussaasunit attuumassutilinnit oqaaseqaatinik nalilersuinermillu aallertoqassaaq.



Ingerlatsiviup kommunimut pilersaarummut tapiliussatut siunnersuummut atatillugu suliffeqarfiit najukkami pigiliunneqartut pillugit kissaatigineqartoq sillimaffiginngilaa, kikkut suliffeqarfinnik pilersitsisinnaanersut pillugit ingerlatseqatigiiffiit pillugit inatsit innersuussutigalugu.

Kommunimut pilersaarummut tapiliussassatut siunnersuutip matuma akuerineqarneratigut siunnersuut tamanut sapaatip akunnerini 8-ni tusarniaassutigineqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatiillit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussassatut siunnersuut 19B1-1 aamma 19B2-1 Qeqertarsuatsiaani Inuussutissarsiorfik umiarsualiveqarfittullu immikkoortortat
2. Suliassamik saqqummiussineq nunaminertamik 22.02.2022 qinnuteqarneq pillugu

Punkt 4: Pilersaarusiornissamut qinnuteqaat Camp Kiattua, Amitsuarsuk, Nuuk

Beslutning

Inassuteqaat akuersissutigineqarpoq.

Bilag

Tusarniaanermut akissutininik suliaqarneq

Tusarniaanermi akissutit tiguneqartut

Pilersaarummut qinnuteqaat, Camp Kiattua

Pilersaarummik piginnittup allagartai

Naliliinissamut immersuiffissaq

Pilersaarummut qinnuteqaatinut eqqaamasassat allattorsimaffiat

Pilersaarummut qinnuteqaatit ingerlasarnerat pillugu takussutissiaq

Inatsisartut inatsisaat nr. 34, 9. december 2015-imeersoq



Pilersaarusiornissamat qinnuteqaat Camp Kiattua, Amitsuarsuk, Nuuk

Suliap pilersaarusiornissamat qinnuteqaatip inaarutaasumik akuersissutigineqarnera

Aalajangiiffigisassaq

SagsID: EMN-2021-16680

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- Camp Kiattua, Amitsuarsuk akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamat Kommunalbestyrelsimullu aalajangiiffigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup pilersaarutit siunnersuut, Camp Kiattua, tiguaa, matumuunalu pilersaarusiarnik piginnittoq sinnerlugu nunaminertamik atuinissamat inniminniinermik qinnuteqaateqarluni.

Camp Kiattua sapaatip akunnerini arfineq-pingasuni piffissami marsip aappaanniit-apriilip 27-ata 2022-p tungaanut tamanut tusarniaassutigineqarpoq. Piffissami tassani tusarniaanermut akissuteqaatit pingasut tiguneqarput, taakkulu ingerlatsivimmiit allannguuteqartitsinissamik pissutissiinnngillat.

Aningaasaqarnermut Inuusutissarsiornermullu ataatsimiititap saaffiginnissutaa tunngavigalugu pilersaarut Ingerlatsivimmit suli sapaatip-akunnerini pingasuni soqutigisaqaqatigiinnut tusarniaassutigalugu, uani ilanngullugit aalisartut/piniartut aamma Nunaqarfinni Aqutsisunut nassiunneqassaaq. Piffissami aamma aviisimut Sermitsiamut naqitanngorlugu tamanut saqqummiunneqarnikuvoq, tassani takuneqarsinnaalluni tusarniaanermut akissuteqaatit uunga nassiunneqarsinnaasut plan@sermersooq.gl Illuatungiliuttunilli tusarniaassummut akissutinik tigusaqartoqanngilaq.

Pilersaarummilli piginnittup pilersaarut nutarteqqissimavaa, pilersaarut aallaqqaataatut ilersillugu, pineqarlutik toqqit, illuaqqat pineqarunnaarlutik.

Suliniut

Sumiiffik pilersaarusiornissamat Kapisillit avannaata tungaani kangerluttami Amitsuarsummi inissisimavoq. Soqutigisaqartoq maannakkut sumiiffimmi tupeqarfiliarluni takornarialerinerup ilorrisimaarnartortaanut tunngasunik suliaqarluni aallartereerpoq. Inuilaami misigisaqarnissaaq anguniarneqarpoq, kisianni ilorrisimaarnartumik peqatigitillugulu pinngortitamut qanittumiinermik.

Kisianni pilersaarusiarnik piginnittup kissaatigaa ilutsit aalaakkaanerusut ullumikkumit ataavarnerusussat sanaartorneqarnissaat, taakkununga ilanngullugit pingaarnertut illutassaa, neriniartarfeqarlunilu isersimaartarfeqartussaaq.

Tupernut nutaanut katillugit ilutsit arfinillit qinnuteqaatigineqarput, tassaasut aniinganeq aneerasaartarfik ilanngullugu silami uffarfittalik, aammalu uffarfimmut perusersartarfimullu atasuliaq, tassani tupermi ataatsimi atortut tamarmik ukiukkut uninngatinneqarsinnaassallutik. Tassunga ilanngullugu pingaarnertut illutassaanut kiisalu seqernup qinngorneranik tigooraassutip

puttasullu inissisimaffissaannut nunaminertanik atuinissamut qinnuteqaateqartoqarpoq. Ungasinnerusooq eqqarsaatigalugu pilersaarusiap allinissaanut toqqit arfinilinnik ilaneqarusupput.

Nunataani iluseq illuliortaaserlu

Pilersaarusiorkiusooq Amitsuarsuup kitaatungaaniippoq, akuanut qanittumiilluni. Kangerluk naggorissunik sivinganertaqartiterpoq, tamaanilu kuuit kuunnguillu arlaqarlutik. Kangerlummi qanganitsat arlaqarput, Thule- aamma Noorliit kulturii ilaalu ilanngullugit.

Pilersaarusiorkiusooq kangerluup kujataaniippoq, kuummut qanittumiilluni, tamaani *eqaloqanngilaq* Noorliillu illukuat nalunaarsorsimasooq qanittumiippoq, taassuma normoralugu NKAH1470. Sumiiffiup ilisarnaatigaa silittunik salliarnartaqarami, campiumissamut tulluurtunik, tamaaniikkamik manissorasaartut, peqatigitillugulu sivinganeqarluni, tamakkunani toqqit illutassaalu pingarneq isikkivigissumiittut pilersinneqarsinnaallutik.

Pilersaarusiorkiusooq qangatut aasisarfittut tupeqarfittut takorluugaavoq, aammalu pingaarnertut illutassaanut kalaallit illutoqaat typehus siulleq isumassarsiorfigineqarluni. Nunataa naasullu illersorniarlugit, pilersaarusiorkiusooq piginnittup kissaatigaa pilersaarusiorkiusooq pinngortitamilu tummaannakkamik aqquutiliortoqarnissaa, kiisalu atortunik assartuinermi angallassissutinut aqquutiliortoqarnissaa. Tamatumuuna angallannerup aqquusinertigut angallassissutiniillu aqquutiliatigut aalajangersimasutigut taamaallaat atorneqarnissaata killilersimaarnissaa anguniarneqarpoq.

Pingaarnertut illutassaa titartarneqarpoq kalaallit illuat typehus 1937-meersooq siulleq suliareqqillugu. Kisianni ingerlatsiviup uparuarpaq, nunaminertaq 140m² uuttuutigineqarpat, taanna anginerujussuussasooq. Taamaattumik ingerlatsiviup siunnersuutigaa, angissusaata misissorneqarnissaa akuersissutigineqassasooq, illup angissusaa avatangiisinullu tulluussarneqarnissaa qulakkeerniarlugu.

Avatangiisit piujuartitsinerlu

Pilersaarusiorkiusooq nukissiuutinik imminut pilersortussaavoq, tamannalu sapinngisamik seqernup qinngorneranik atuinermi pissaq. Allaaserinerani perusersartarfiit immikkoortumiissapput, anaq ikuallanneqartassalluni qoorlu kangerlummut kuutsinneqartassasooq ilimagineqarluni.

Ilusissaata atortussartai *pinngortitameersuussasut* allaaserineqarpoq, tassaallutik qisuk, ujarak aamma issuatsiaat. Ingerlatsiviup erseqqissaatigaa, oqartussaasunut attuumassuteqartunut qinnuteqaateqartoqassasooq, soorlu pilersaarusiorkiusooq atortuni allaaserineqartut Islandimiit eqquussisoqassappat.

Eqqiaanermut atortut qanoq periuseqarfiginissaat allaaserineqanngilaq, ingerlatsiviullu siunnersuutigaa, tamakku avatangiisinut mingutsitsisuunnginnissaat piumasaqaatigineqassasooq, tassami kangerlummut kuutsinneqartarnissaat ilimagineqarmat.

Pilersaarusiorkiusooq piginnittup allaaseraa, Kapisilinni innuttaasut, toqqaannartumik, toqqaannangitsumillu atorfinitsinnerisigut qanoq peqataatinneqassanersut. Imaappooq, tamaanngaanersunik angallassisoqassasooq, aammalu nerisassanik, eqqiaanermut atortunik allanillu Kapisilinnut pisiniartoqartassasooq, taamaasillunilu pilersaarusiorkiusooq kommunimi innuttaasunik peqataatitsiffiussalluni.

Inerniliineq

Ingerlatsiviup maluginiarpaa pilersaarusiamik piginnittoq sumiiffimmi pineqartumi takornarialerinerlut tunngasunik suliaqartumik suliffeqarfilioreersimasoq, suliffeqarfimmik, asseqanngitsumik tuniniaaffilerluni, najukkami suliffeqarfinnit pioreersunit unammillerneqanngitsumik.

Ingerlatsiviup nalilerpaa pilersaarut eqqarisamut, pinngortitamut avatangiisimullu tulluurtuusoq, kisiannili suliareqqinneqarnissaa eqqarsaatigalugu ataasiakkaanut tunngasunut piunasaqaateqarfiusariaqartoq. Taakkununga ilanngullugit pingaarnertut illutassaata ilusaa, aammalu imikumik mingutsitsisuunngitsumik kuutsitsinissamut periusissiaqarnissaaq.

Tamanna tunngavigalugu ingerlatsiviup pilersaarummut qinnuteqaatip akuersissutigineqarnissaa innersuussutigaa.

Ingerlatsivimmit aningaasatigut sulisoqarnikkullu naliliinerit

Ingerlatsiviup oqaatigissavaa, pilersaarummik piginnittup kommunimut pilersaarummut tapiliussap suliarinissaanut aammalu sanaartornermi, sanaartorfissagissaanermi sanaartornermilu aningaasartuutissat tamaasa akilissagai.

Suliffeqarfimmu Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Pilersaarummut qinnuteqaat, *Camp Kiattua*
4. Pilersaarummik piginnittup allagartai
5. Naliliinissamut immersuiffissaq
6. Pilersaarummut qinnuteqaatinut eqqaamasassat allattorsimaffiat
7. Pilersaarummut qinnuteqaatit ingerlasarnerat pillugu takussutissiaq
8. Inatsisartut inatsisissaat nr. 34, 9. december 2015-imeersoq

Punkt 5: Piniarnermut Aalisarnermullu Siunnersuisooqatigiit suleriaasissaatut, taaguutissaatullu siunnersuut

Beslutning

Inassuteqaat akuersissutigineqarpoq.

Bilag

Suleriaasissaq - Piniarnermut Aalisarnermullu Siunnersuisooqatigiit

Piniarnermut Aalisarnermullu Siunnersuisooqatigiit suleriaasissaatut, taaguutissaatullu siunnersuut

Aalajangiiffigisassaq

SagsID.: EMN-2022-04104

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Suleriaasissaq ilanngussaq 1-miittoq akuersissutigineqassasoq
- siunnersuisooqatigiit taaguutaat akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu aalajangiiffigisassanngorlugu ingerlateqqinneqassasoq

Suliassamik saqqummiussineq

Kommunimut qinersereernerup kingornagut maajip ulluisa pingajuanni 2021-mi kommunalbestyrelsip inissitsiterluni ataatsimiinnerani "Aalisarnermut Ataatsimiititaliaq"-mut ilaasortanik pingasunik toqqaasoqarpoq. Suleqatigiissitaq imm. 6-imi "Aningaasaateqarfinnut meeqqerivinnullu siulersuisunut ilaasortanik qinersineq" tunngasuni takuneqarsinnaavoq.

"Aalisarnermut Siunnersuisooqatigiit" siullermeerlutik ileqquusumik ataatsimiipput maajip ulluisa 25-anni 2022-mi, apriliip ulluisa aallaqqaataanni 2022-mi suliassaqarfiup aqqissuussaannikkut Sanarfinermut Avatangiisinullu Ingerlatsivimmut inissinneqareernerata kingornagut. Suleqatigiissitap taaguutissaa nalornissutaasimavoq. Ataatsimiinnermi ilaasortat ilaannit erseqqissaatigineqarpoq, suleqatigiissitaq ataatsimiititaasariaqartoq, Kommunalbestyrelsip ataatsimiinneranit imaqarniliap kalaallisuuani taaguutaa ataatsimiititaq allassimammat.

Tamanna tullianik ataatsimiinnissamat misissorneqassasoq aalajangerneqarpoq, siunnersuisooqatigiunersut, ataqatigiissaarisuunersut imaluunniit siunnersuisooqatigiunersut pingaarutilerujussuusoq nalilerneqarmat. Peqatigitillugu suleriaasissamik siunnersuusiortoqarpoq.

Ingerlatsivimmit oqaatigineqarpoq, kommunalbestyrelsip ataatsimiinneranit imaqarniliap kalaallisuuani allassimasoq "Aalisarnermut-ataatsimiititaliaq", qallunaatuuanilu "Aalisarnermut ataqatigiissaarisut" "Fiskerikoordineringsgruppe".

Allaffeqarfimmit saqqummiunneqarpoq "suleqatigiissitaq" "gruppe" imm. 6-mi oqaluuserineqarmat (Aningaasaateqarfinni suliffeqarfinilu siulersuisuni ilaasortanik qinersineq), piumasaqaataavoq, taanna ataatsimiititaanani siunnersuisooqatigiussasut, kisiannili siunnersuisooqatigiit, soqutigisaqatigiinnit kommunalbestyrelsimullu ilaasortanit inuttalersugaasussaq.

"Aalisarnermut Siunnersuisooqatigiit Fiskerirådet" suleqatigiissitap taaguutaa ima allanngortinneqassasoq "Aalisarnermut Piniarnermullu Siunnersuisooqatigiit" aalajangerneqarpoq, taaguutaalu Kommunalbestyrelsimit atuutilersinneqassasoq, aammalu siunnersuisooqatigiit sulilinnginneranni suleriaasissatut siunnersuutitut suliarineqartoq kommunalbestyrelsimit akuersissutigineqaqqaassasoq.

Ingerlatsivimmit aningaasatigut sulisoqarnikkullu naliliinerit

Attuumassuteqanngilaq.

Suliffeqarfimmut Kiffartuussivimmit aningaasatigut naliliineq Aningaasaqarnermut
Suliffeqarfimmut Kiffartuussivimmit oqaaseqartitsisoqanngilaq.

Inatsisitigut tunngavissaq allakkallu tunngaviusumik uppersaatitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 31 imm. 1
- Aningaasaateqarfinnut suliffeqarfinnullu assigiinngitsunut ileqqoreqqusat aalajangersakkallu

Ilangussat

1. Suleriasissaq - Piniarnermut Aalisarnermullu Siunnersuisooqatigiit

Punkt 6: Nuummi akunnittarfiit inissisimaffii

Beslutning

Inassuteqaat akuersissutigineqarpoq.

Bilag

Akunnittarfiit inissisimaffissaattut siunnersuut

Nuummi akunnittarfiit inissisimaffii

Ilanngutitsinermut siunnersuut

Aalajangiiffigisassaq

SagsID.: EMN-2022-09179

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- suliniutip ingerlanissaanut siunnersuut akuersissutigineqassasoq
- inissisimaffissatut siunnersuutit arfineq marluk akuersissutigineqassasut
- suliaq tamanik peqataatitsinissaq siunertaralugu Aningaasaqarnermut Inuusutissarsionermullu Ataatsimiititami aalajangiiffigisassatut, kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup Nuummi akunnittarfiit inissisimaffissaannut siunnersuutit matumuuna saqqummiuppai, tassanilu innuttaasunik peqataatitsinermut sammitsitsinissaq siunnersuutigineqarpoq.

Akunnittarfinnut inissisimaffissatut siunnersuutigineqartut soqutigisaqaqatigiit assigiiingitsut siunnersuuteqarnerisigut, kiisalu alutornassuseqartutut naleqarneri aamma pulaartunut misigisaqartitsinnaaneri tunngavigalugit saqqummiunneqarsimapput. Taamaattumik inissisimaffissatut siunnersuutigineqartut tamarmik immikkut piukkunnaateqarput.

Ingerlatsivimmit sulinissap ingerlanissaa tulliuuttut siunnersuutigineqarpoq:

1. Innuttaasunik peqataatitsinissaq pillugu suliniut suliarineqassaaq, tassani ingerlatsivik innuttaasut ataasiakkaat inissisimaffissanut siunnersuutigineqartunut qanoq ittunik unammilligassanik takusaqarsinnaanersut tusaqagarfigissallugit periarfissaqassaaq
2. Oqaaseqaatit aamma isumaliutersuutit aggersaanermut atortussanut ilanngunneqassapput, taakkulu alloriaqqinnissamat tunngaviujumaarput
3. Pllersaarummut inatsimmi §45a naapertorlugu soqutigisaqaqatigiit inissisimaffiit pillugit suliniummut qinnuteqaqquneqassapput. Ingerlatsiviup siunnersuutigaa, tamanut saqqummiunneqareerpat qaammatit 3-nik piffissaliinissaq pivusorsiortuusoq. Suliarinnittussarsiuussinermi atortussat naliliinissamat piumasaqaatinik imaqarput, taakku illorsualiornermi kusanartuliortaaseq eqqorlugu pissuseqarnissaannik aamma piujuartitsisumik suliarineqarnissaannut isiginninniarnernik tunngaveqarput (matumani kommunimut inuiaqatigiinni aningaasaqarniarnermut naleqarneq)
4. Suliniummut siunnersuutit nassiunneqartut ingerlatsivimmit nalilersorneqassapput aamma §45a naapertorlugu aalajangiinermi piumasaqaatit malillugit pitsaanerpaatut nalilersorneqartut tusarniaavigineqarnissaat siunertaralugu politikikkut suliarineqarnissamat ingerlateqqinneqassallutik
5. Tamatuma kingorna suliniutit sapaatip akunnerini 6-ini tamanut tusarniaassutigineqassapput, tassani suliniummut siunnersuutit allat nassiunneqarsinnaapput, taakkulu nalilersuiffigineqassapput aamma politikikkut aalajangiiffigisassanngorlugit saqqummiunneqassallutik
6. Politikikkut akuersissuteqartoqareerpat ukiunut marlunnet nunaminertamik immikkoortitsisoqarsinnaavoq

Ingerlatsiviup uparuarpa, siullermik inissisimaffissat arfineq marluk siunnersuutigineqarsimasut, taakkunanga tallimat Nuummiipput, 1 mittarfiup eqqaani aamma 1 Qinngorpumi.. Inissisimaffiit tamakkisumik naliliinerit aamma takornariaqartitsinermut piukkunnassuseqarnerat tunngavigalugit toqqarneqarsimapput. Ataatsimiititaliami suliarineqarneranut atatillugu inissisimaffiit ataasiakkaat toqqarneqannginnissaat periarfissaavoq.

Tamarmik immikkut piukkunnaateqartut nalilernerqarpoq, kisianni ingerlatsiviup ilisimaaraa inissisimaffiit tamarmik neqeroorfineqannginnissaannut nalorninartortaartoq.

Innuttaasunik peqataatitsineq

Innuttaasut ataasiakkaat illoqarfiup ineriartortinneqarneranut peqataanissaat pingaaruteqarpoq, aamma allaffissornikkut aqutsisoqarfiup najukkami pissutsit qanoq ittuunersut pillugit ilisimasaqarnissaa pingaaruteqarluni. Taamaattumik ingerlatsiviup, siunissami allaffissornikkut sulinermini peqataatitsinerup kinguneratut aamma inissisimaffissat nalunaarutigineqarneranut atatillugu unammilligassanngorsinnaasut ilanngullugit suliarissavai. Ingerlatsivik peqataatinneqaleruni inissisimaffiit taakku arfineq marluk akornanni sorliit ingerlariaqqinnermi ilaassanersut toqqassallugit piginnaatinneqassaaq. Inissisimaffiit toqqarneqanngitsut, politikikkut akuersisoqareerpat immikkut ittumik suliaqarnermi ineriartortinneqarsinnaapput.

Ingerlatsivimmit aningaasatigut sulisoqarnikkullu naliliinerit

Qulaani pineqartunik suliaqarnermi sulisoqarnikkut qanoq sunniuteqarumaarnerannut suliniutit qassit nalilersorneqassanersut apeqqutaassapput.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorineqarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq

Ilanngussat

1. Akunnittarfiit inissisimaffissaattut siunnersuut

Punkt 7: Lukket

Punkt 8: Lukket

Punkt 9: Lukket

Punkt 10: Lukket

Punkt .: Taasariaqartut allat

Beslutning

Ataatsimiititap qamutit oqimaatsut angallaffiunerusumi unammillernartuuneri kiisalu Nuummi mittarfimmut aqqusinermi ingerlagasuartarnermi unammillernartut eqqartorpai. Oqaluuserisassanngortitsisinnaaneq oqaluuserisassanut siunnersuusiornissaq siunertaralugu atorneqarsinnaavoq.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:50.

